

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

Broj: 02-02-7-1770/15
Sarajevo, 17. 12. 2015. godine

Z A P I S N I K
SEDME SJEDNICE DOMA NARODA PARLAMENTA FEDERACIJE
BOSNE I HERCEGOVINE, održane 17. decembra 2015. godine

Sjednica je počela u 13:30.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila delegate, goste, predstavnike medija, međunarodne zajednice, goste iz nevladinog sektora, kao i ministre u Vladi Federacije, a posebno potpredsjednika Federacije Bosne i Hercegovine Milana Dunovića i potpredsjednicu Vlade Federacije Jelku Miličević.

Na osnovu evidencije Stručne službe, predsjedavajuća je konstatovala da sjednici prisustvuje 44 delegata, što čini većinu, te Dom naroda može raditi i punovažno odlučivati.

Prije prelaska na rad, predsjedavajuća je dala na glasanje zapisnike 4. sjednice Doma naroda Parlamenta Federacije Bosne i Hercegovine održane 29. oktobra i 19. novembra 2015. godine, kao i zapisnik 6. sjednice Doma naroda Parlamenta Federacije Bosne i Hercegovine održane 26. novembra 2015. godine.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 36 glasova za i 14 uzdržanih glasova, usvojio Zapisnik 4. redovne sjednice Doma naroda Parlamenta Federacije Bosne i Hercegovine.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 37 glasova za i 14 uzdržanih glasova, usvojio Zapisnik 6. redovne sjednice Doma naroda Parlamenta Federacije Bosne i Hercegovine.

Potom je otvorena rasprava, u vezi Odluke Vijeća za zaštitu vitalnog nacionalnog interesa da deset članova Kluba srpskog naroda ne predstavlja dvije tečine, u kojoj su učestvovali: Slaviša Šućur, Lidija Bradara, Izmir Hadživdić, Jasenko Tufekčić, Željko Mirković, Aner Žuljević, Tomislav Martinović, Mladen Lonić, Nikola Šimić i Osman Čatić.

Zatim je predsjedavajuća Doma naroda, na osnovu člana 104. Poslovnika o radu Doma naroda Parlamenta Federacije Bosne i Hercegovine, pozvala delegate da, ukoliko žele, postavе delegatska pitanja i pokrenu inicijative.

Delegatska pitanja i inicijative

Rasim Kantarević upitao je Salku Bukvarevića, ministra Federalnog ministarstva za pitanje boraca i invalida odbrambeno-oslobodilačkog rata, da li su mu poznate okolnosti i zašto je veliki broj građana s područja Općine Velika Kladuša i dijelom Općine Cazin, izbrisano iz evidencije učesnika u OS BiH u toku rata?

Željko Mirković uputio je inicijativu, za hitno poduzimanje svih potrebnih mjera i aktivnosti na svim nivoima vlasti u Federaciji Bosne i Hercegovine, i cijele Bosne i Hercegovine s ciljem revitalizacije unske pruge i stavljanje u funkciju ovog najvažnijeg željezničkog pravca, te ponovne uspostave teretnog i putničkog saobraćaja i pokretanje aktivnosti da se ova pruga uvrsti na kartu evropskih i željezničkih koridora.

Sladjan Ilić uputio je dva delegatska pitanja, tj. zahtjeva Domu naroda Parlamenta Federacije Bosne i Hercegovine. Zatražio je od Doma naroda Parlamenta Federacije, odnosno od nadležne službe, da mu dostave tačne rezultate glasanja za utvrđivanje dnevnih redova na svim redovnim i vanrednim sjednicama Doma naroda, od konstituisanja do danas, i tačne rezultate glasanja po svim tačkama dnevnih redova na svim redovnim i vanrednim sjednicama Doma od konstituisanja do danas.

Fuad Hadžimehmedović uputio je inicijativu Vladi Federacije i Federalnom Ministarstvu zdravstva, da građanima Federacije Bosne i Hercegovine, povratnicima u Republiku Srpsku koji su zaposleni u Federaciji Bosne i Hercegovine, bude omogućeno da, ukoliko žele, zadrže zdravstveno osiguranje u nekom od kantona u Federaciji Bosne i Hercegovine u kojem trenutno uplaćuju doprinose.

Mirvet Beganović uputio je inicijativu i postavio dva delegatska pitanja. Inicijativu i dva delegatska pitanja uputio je Federalnom ministarstvu poljoprivrede, vodoprivrede i šumarstva i Vladi Federacije.

Inicijativa - Da Federalno ministarstvo poljoprivrede, vodoprivrede i šumarstva u saradnji sa Odborom za poljoprivredvrednu i šumarstvo Doma naroda, pripremi i organizuje tematsku sjednicu Doma naroda na temu: Stanje poljoprivrede i poljoprivredne proizvodnje Federacije Bosne i Hercegovine i realizacija srednjoročne strategije razvoja Poljoprivrednog sektora u Federaciji Bosne i Hercegovine za period 2015. - 2019. godina, koju je Dom naroda usvojio 8. 6. 2015. godine.

Prvo pitanje - Koliko iznose ukupne obaveze iz prethodnog perioda za neisplaćene poticaje za poljoprivredu po vrstama podrške iz kojeg perioda zaključno sa 15. 12. 2015. godine?

Drugo pitanje - Koliko je tačno litara mlijeka otkupljeno po kantonima za 2014. godinu i devet mjeseci 2015. godine?

Slobodan Tomić postavio je delegatsko pitanje Ministarstvu saobraćaja i komunikacija koje glasi: Zašto postoji periodični tehnički pregled za vozila u Bosni i Hercegovini, ako nema niko u Evropi?

Segmedina Srna Bajramović uputila je dva delegatska pitanja Vladi Federacije Bosne i Hercegovine. Prvo pitanje vezano je za informacije o svim imenovanjima Vlade Federacije BiH, od dolaska do danas. Također, zatražila je i spisak imenovanih po preduzećima u cilju utvrđivanja poštivanja nacionalne ravnopravnosti kod imenovanja u istim.

Drugim pitanjem zatražila je da joj se dostave kriteriji na bazi kojih je izvršeno ocjenjivanje projekata oko raspodjela novca iz oblasti kulture.

Aner Žuljević uputio je jedno delegatsko pitanje i inicijativu. Pitanje je uputio premijeru Federacije Bosne i Hercegovine, Fadilu Novaliću. Pitao ga je po kojem članu zakona se premijer, u ime Vlade, postavlja kao osoba zadužena za analizu rješenja u Opštem kolektivnom ugovoru, koja su definisana između dvije strane, uzimajući u obzir da je više puta odbio i pismeni i javni poziv da se Vlada uključi u dogovore oko opšteg kolektivnog ugovora. Zatražio je da jasno kaže koje su to firme koje su ga zvale i na koji način je definisan maksimalan iznos minimalnih plata?

Inicijativu je uputio Kolegiju Doma naroda u kojoj traži da se Kolegij pismeno izjasni o prisustvovanju ostalih na Kolegiju Doma naroda.

Almedin Aliefendić uputio je jednu inicijativu Vladi Federacije. Traži izmjenu Uredbe o naplati naknade za korištenje autoceste A1 ("Službene novine Federacije Bosne i Hercegovine", broj 54/15). Uredbom je definisano da će Javno preduzeće autoceste Federacije Bosne i Hercegovine, kroz uređaj TAK omogućiti određene povlastice korisnicima autoceste. Uredbom je definisano da povlastice idu 20%, a inicijativa ide u smislu da povlastice idu u iznosu od 100% .

Anes Osmanović uputio je tri delegatska pitanja i tri delegatske inicijative. Prvo delegatsko pitanje i inicijativu uputio je Federalnom ministarstvu obrazovanja i nauke. Pitanje glasi da li Federalno ministarstvo obrazovanja i nauke, u skladu sa svojim mogućnostima i ovlastima, može utjecati, ili dati prijedlog struke kako organizovati nastavu da bi djeci bošnjačke nacionalnosti bilo omogućeno da izučavaju maternji jezik i obavljaju nastavu na istom? Inicijativa se odnosi na to da delegacija Ministarstva obrazovanja i nauke posjeti Posavski kanton i obiđe škole u Odžaku i Orašju, te da dogovore sa resornim kantonalnim ministarstvom načine i formule kako bi se mogla otkloniti diskriminacija učenika.

Drugo delegatsko pitanje i inicijativu uputio je Vladi Bosne i Hercegovine i JP Autoceste Federacije Bosne i Hercegovine. Pitanje glasi kada će biti nastavljeni radovi na dionici autoputa Odžak - Svilaj i zašto se čeka sa izgradnjom graničnog prijelaza na toj dionici? Inicijativa se odnosi na to da se čim prije nastave radovi na toj dionici i da se stvore uvjeti da granični prijelaz u Svilaju, općina Odžak, bude izgrađen i pušten u promet. Treće delegatsko pitanje postavio je Vladi Federacije Bosne i Hercegovine - Šta se dešava sa izgradnjom mosta na rijeci Savi u rejonu Svilaja, u općini

Odžak koja se nalazi na koridoru Vc? Inicijativa se odnosi na to da se u što kraćem vremenskom okviru, pokrene izgradnja mosta na rijeci Savi i dovrši izgradnja dionice autoputa Vc Svilaj - Odžak, kao i izgradnja carinskog prelaza sa svim pratećim terminalima.

Vesna Saradžić uputila je jednu inicijativu, odnosno poziv CIK-u i OHR-U, a odnosi se na to da se i oni uključe u rješavanje situacije nastale nakon Rješenja Ustavnog suda Federacije BiH.

Mladen Lonić uputio je jedno pitanje Kolegiju Doma naroda Parlamenta Federacije Bosne i Hercegovine i Komisiji za izbor i imenovanja Doma naroda. Pitanje se odnosi na to zašto još uvijek nije uvršten na dnevni red izbor potpredsjedavajućeg Doma naroda Parlamenta Federacije Bosne i Hercegovine iz reda srpskog naroda, s obzirom da je Klub delegata srpskog naroda 30. 9. 2015. godine Domu naroda uputio prijedlog da se za potpredsjedavajućeg Doma naroda izabere Željko Mirković?

Slaviša Šućur uputio je pitanje Vladi Federacije Bosne i Hercegovine, a odnosi se na kompanije koje imaju ovlaštenja na pregled vozila, koje su to kompanije i na osnovu koje procedure im je dodijeljeno da obavljaju te preglede. Zatražio je da se tačno objave odluke kojima je dodijeljeno obavljanje tog posla?

Emir Frašto uputio je inicijativu Vladi Federacije, a koja se odnosi na preispitivanje Odluke Vlade Federacije o imenovanju osobe u firmu "GINEKS", koja je u većinskom vlasništvu Vlade Federacije, budući da se ta osoba nalazi u upravnom odboru privatne firme koja se bavi istom djelatnošću.

Lidija Bradara izrazila je nezadovoljstvo odgovorom kojeg je dobila od Federalne Vlade i Federalnog ministarstva okoliša i turizma, a u vezi preispitivanja okolinske dozvole u opštini Kiseljak za izgradnju asfaltne baze usred naseljenog mjesta i mjesta koncesionog polja mineralne vode, malina i jagodičastog voća, gdje su poljoprivredni proizvođači aktivni, te je zatražila od Ministarstva okoliša i turizma Federacije BiH da još jedanput razmotri svoju dokumentaciju.

Postavila je pitanje Federalnom zavodu za zapošljavanje u vezi nacionalne zastupljenosti zaposlenih i popunjavanja mjesta izvršnog direktora.

Amil Buljubašić uputio je pitanje Federalnoj upravi za inspeksijske poslove u vezi dopisa građevinskog urbanističkog inspektora u opštini Tešanj Nurudina Tahirovića - radi se o izgrađenom cestovnom pojasu u području naseljenog mjesta Rosulje u opštini Tešanj.

Predsjedavajuća je obavijestila delegate da su klubovi poslanika stranaka SDA, SBB i HDZ BiH u Predstavničkom domu dostavili Prijedlog zakona o izmjenama i dopunama Zakona o budžetima u Federaciji Bosne i Hercegovine s prijedlogom da se razmatra po hitnom postupku. Zatim je pozvala delegate da se izjasne o ovom prijedlogu.

Na osnovu rezultata glasanja, predsjedavajuća Doma naroda je konstatovala da je Dom naroda Parlamenta Federacije Bosne i Hercegovine

sa 29 glasova za, uz tri uzdržana glasa i tri glasa protiv, prihvatio da se Prijedlog zakona o izmjenama i dopunama Zakona o budžetima u Federaciji Bosne i Hercegovine razmatra po hitnom postupku.

Povodom postupka po kojem će razmatrati Prijedlog Budžeta Federacije BiH za 2016. godinu razvila se rasprava u kojoj su učestvovali: Aner Žuljević, Predrag Kojović i Lidija Bradara.

Vesna Saradžić je u ime Komisije za jezička pitanja Doma naroda predložila da se sa dnevnog reda skine Prijedlog zakona o faktoringu zbog toga što je u članu 2. u tački 11. narušeno značenje pravne norme, ili da se o ovoj primjedbi izjasni predlagač.

Potpredsjednica Vlade Federacije Jelka Miličević izjavila je da se ta greška može ispraviti do početka rasprave, što je Vesna Saradžić u ime Komisije za jezička pitanja Doma naroda prihvatila.

Predsjedavajuća je stavila na glasanje i na osnovu rezultata glasanja konstatovala, da je Dom naroda Parlamenta Federacije Bosne i Hercegovine, sa 36 glasova za i 10 uzdržanih glasova, usvojio sljedeći

D N E V N I R E D

- 1. Prijedlog Budžeta Federacije Bosne i Hercegovine za 2016. godinu,**
- 2. Prijedlog Zakona o izvršavanju Budžeta Federacije Bosne i Hercegovine za 2016. godinu,**
- 3. Dokument okvirnog budžeta Federacije Bosne i Hercegovine za period 2016. - 2018. godina,**
- 4. Prijedlog zakona o izmjenama i dopunama Zakona o budžetima u Federaciji Bosne i Hercegovine - (predlagači: klubovi poslanika SDA, SBB, HDZ BiH u Predstavničkom domu) - hitni postupak,**
- 5. Prijedlog zakona o faktoringu,**
- 6. Prijedlog odluke o davanju saglasnosti na Finansijski plan Federalnog zavoda za zapošljavanje za 2016. godinu i procjene Plana za 2017. i 2018. godinu i na Odluku o izvršavanju Finansijskog plana Federalnog zavoda za zapošljavanje za 2016. godinu,**
- 7. Prijedlog odluke o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2016. godinu (konsolidovani), Finansijski plan Fonda solidarnosti Federacije Bosne i Hercegovine za 2016. godinu (Anex I), Finansijski plan Stručne Službe Zavoda zdravstvenog osiguranja i reosiguranja Federacije Bosne i Hercegovine za 2016. godinu (Anex II),**
- 8. Prijedlog odluke o davanju saglasnosti na Finansijski plan Federalnog Zavoda za penzijsko i invalidsko osiguranje za 2016.**

**godinu, Odluka o izvršavanju Finansijskog plana Federalnog
zavoda za penzijsko i invalidsko osiguranje za 2016. godinu.
9. Izvještaj o radu FERK-a za 2014. godinu.**

**1. Prijedlog Budžeta Federacije Bosne i Hercegovine za 2016.
godinu,**

Prijedlog Budžeta Federacije Bosne i Hercegovine za 2016. godinu utvrdila je Vlada Federacije.

Prijedlog Budžeta razmatrala su nadležna radna tijela i dostavila svoje izvještaje.

Prijedlog Budžeta Federacije Bosne i Hercegovine za 2016. godinu obrazložila je ministrica finansija i potpredsjednica Vlade Federacije Jelka Miličević.

Predsjednik Odbora za poljoprivredu, vodoprivredu i šumarstvo Doma naroda Parlamenta Federacije Bosne i Hercegovine, Đuro Delić, obrazložio je izvještaj ovog radnog tijela.

U raspravi su učestvovali: Đuro Delić, Željko Mirković, Mirnes Aganović, Aner Žuljević, Željko Josić, Osman Ćatić, Tomislav Martinović, Ana Babić, Admir Hadžipašić.

Amandmane na Prijedlog Budžeta Federacije Bosne i Hercegovine za 2016. godinu podnijeli su: Željko Mirković i Mladen Lonić, Đuro Prkačin, Rasim Dostović, Fuad Hadžimehmedović, Ana Babić, Mustafa Kurtović, Daliborka Milović, Edim Fejzić, Emir Frašto i Sanel Mušović, Refik Poparić, Rasim Kantarović, Anes Osmanović, Đuro Delić i Željko Josić.

Vlada je prihvatila Amandman delegata Đure Prkačina koji se odnosi na Ekonomski kod 614100. Druge amandmane nije prihvatila.

Budući da Vlada Federacije nije prihvatila amandmane Željka Mirkovića i Mladena Lonića, a predlagači nisu odustali od njih, predsjedavajuća ih je stavila na glasanje.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine nije usvojio Amandmane I,II, i III, a odnose se na ekonomske kodove 822500, 614100 i 614100, koje su podnijeli Željko Mirković i Mladen Lonić, budući da je za glasalo 23 delegata, 12 delegata je bilo uzdržano, a 13 delegata je bilo protiv.

Kako je izražena sumnja u rezultate glasanja sekretar Doma naroda Izmir Hadživdović izvršio je poimenično izjašnjavanje.

Na osnovu rezultata poimeničnog izjašnjavanja, predsjedavajuća je konstatovala da Dom naroda Parlamenta Federacije Bosne i Hercegovine, nije usvojio Amandmane I,II, i III, a odnose se na ekonomske kodove 822500, 614100 i 614100, koje su podnijeli Željko Mirković i Mladen Lonić budući da je za glasalo 23 delegata, 13 delegata je bilo uzdržano, a 14 delegata je bilo protiv.

Dom naroda izjasnio se o Amandmanu koji su podnijeli Mustafa Kurtović, Daliborka Milović, Edim Fejzić, Emir Frašto i Sanel Mušović.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine nije usvojio Amandman, a odnosi se na Ekonomski kod 614100, koji su podnijeli Mustafa Kurtović, Daliborka Milović, Edim Fejzić, Emir Frašto i Sanel Mušović. Za je glasalo 15 delegata, 15 je bilo uzdržano i 10 protiv.

Od predloženih amandmana odustali su: Fuad Hadžimehmedović, Ana Babić i Refik Poparić.

Rasim Kantarević nije odustao od predloženog Amandmana, te je stavljen na glasanje.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine, nije usvojio Amandman, a odnosi se na Ekonomski kod 614000, koji je podnio Rasim Kantarević. Za je glasao 21 delegat, 23 su bila uzdržana i četiri protiv.

Predsjedavajuća je stavila na glasanje Amandman koji su podnijeli Anes Osmanović, Đuro Delić i Željko Josić.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine, nije usvojio Amandman delegata Anesa Osmanovića, Đure Delića i Željka Josića, koji se odnosi na Ekonomski kod 614100. Za je glasao 21 izaslanik, 22 su bila uzdržana i šest protiv.

Segmedina Srna Bajramović nije odustala od svojih amandmana te ih je predsjedavajuća stavila na glasanje

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine nije usvojio Amandman Segmedine Srna - Bajramović budući da su 24 izaslanika bila za, 12 je bilo uzdržano i 14 protiv.

Aner Žuljević odustao je od pet amandmana, a za tri je tražio da se Dom naroda Parlamenta Federacije izjasni o njima.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine, nije usvojio Amandman I, a odnosi se na Ekonomski kod 200601 Vrhovni sud Federacije Bosne i Hercegovine, koji je podnio Aner Žuljević. Za je glasalo 20 delegata, 16 je bilo suzdržano i 12 protiv.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine, nije usvojio Amandman II Ekonomski kod 2802 Federalno tužilaštvo Bosne i Hercegovine, koji je podnio Aner Žuljević. Za je glasalo 19 delegata, 20 je bilo uzdržano i devet protiv.

Delegat Aner Žuljević je tražio poimenično izjašnjavanje o Amandmanu II.

Na osnovu rezultata poimeničnog glasanja koje je izvršio sekretar Doma naroda, predsjedavajuća je konstatovala da Dom naroda Parlamenta Federacije Bosne i Hercegovine nije usvojio Amandman II Ekonomski kod 2802 Federalno tužilaštvo Bosne i Hercegovine, koji je podnio Aner Žuljević. Za je glasalo 19 delegata, 23 je bilo uzdržano i osam protiv.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine nije usvojio Amandman III, Ekonomski kod 6143 koji se odnosi na sigurnosne kuće, a podnio ga je Aner Žuljević. Za je glasalo 26 delegata, 22 su bila uzdržana.

Nakon toga, Dom se izjasnio o Amandmanima I, II i III Kluba delegata hrvatskog naroda.

Na osnovu rezultata poimeničnog glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 39 glasova za, uz sedam uzdržanih glasova i tri glasa protiv, usvojio Amandman I Kluba delegata hrvatskog naroda, koji se odnosi na povećanje koda za transfer drugim nivoima vlasti i fondovima u iznosu od 10 miliona KM.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 29 glasova za, uz 14 uzdržanih glasova i šest glasova protiv, usvojio Amandman II, koji se odnosi na Ekonomski kod vezan za Zavod zdravstvenog osiguranja i reosiguranja Federacije Bosne i Hercegovine, a podnio ga je Klub delegata hrvatskog naroda.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 33 glasa za, uz 10 uzdržanih glasova i pet glasova protiv, usvojio Amandman III, koji se odnosi na povećanje sredstava vezanih za vakcinu sa 3,5 na 4,5 miliona KM, a podnio ga je Klub delegata hrvatskog naroda.

Almedin Aliefendić nije odustao od svog Amandmana, te je stavljen na glasanje.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine, nije usvojio Amandman koji se odnosi na Općinu Vareš, a podnio ga je Almedin Aliefendić jer je za glasalo 26 delegata, 13 delegata je bilo uzdržano i sedam protiv.

Budući da je Almedin Aliefendić izrazio sumnju u rezultate glasanja, sekretar Doma naroda izvršio je poimenično izjašnjavanje.

Na osnovu rezultata poimeničnog glasanja, predsjedavajuća je konstatovala da je Dom naroda Parlamenta Federacije Bosne i Hercegovine sa 30 glasova za, 18 uzdržanih i dva glasa protiv usvojio Amandman, koji se odnosi na Općinu Vareš, a podnio ga je Almedin Aliefendić.

Nakon izjašnjavanja o amandmanima predsjedavajuća je stavila na glasanje Prijedlog Budžeta Federacije Bosne i Hercegovine za 2016. godinu.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine, nije usvojio Prijedlog Budžeta Federacije Bosne i Hercegovine za 2016. godinu, jer je za glasalo 20 delegata, četiri delegata su bila uzdržana i 22 protiv.

2. Prijedlog Zakona o izvršavanju Budžeta Federacije Bosne i Hercegovine za 2016. godinu,

Prijedlog Zakona o izvršavanju Budžeta Federacije Bosne i Hercegovine za 2016. godinu utvrdila je Vlada Federacije.

Prijedlog Zakona o izvršavanju Budžeta Federacije Bosne i Hercegovine za 2016. godinu razmatrala su nadležna radna tijela i dostavila svoje izvještaje.

Prijedlog Zakona o izvršavanju Budžeta Federacije Bosne i Hercegovine za 2016. godinu obrazložila je federalna ministrica finansija Jelka Miličević.

Vlada Federacije prihvatila je Amandman na Prijedlog Zakona o izvršavanju Budžeta Federacije Bosne i Hercegovine za 2016. godinu koji je podnio Đuro Prkačin.

U raspravi niko nije niko učestvovao.

Kako Prijedlog Budžeta Federacije Bosne i Hercegovine za 2016. godinu nije dobio potrebnu većinu glasova, Dom naroda se nije izjašnjavao o Prijedlogu Zakona o izvršavanju Budžeta Federacije Bosne i Hercegovine za 2016. godinu.

3. Dokument okvirnog budžeta Federacije Bosne i Hercegovine za period 2016. - 2018. godina,

O tački dnevnog reda delegati Parlamenta Federacije Bosne i Hercegovine nisu se izjašnjavali.

4. Prijedlog zakona o izmjenama i dopunama Zakona o budžetima u Federaciji Bosne i Hercegovine - (predlagači: klubovi poslanika SDA, SBB, HDZ BiH u Predstavničkom domu) - hitni postupak,

Prijedlog zakona o izmjenama i dopunama Zakona o budžetima u Federaciji Bosne i Hercegovine utvrdili su klubovi stranaka SDA, SBB i HDZ BiH u Predstavničkom domu Parlamenta Federacije BiH i dostavili u parlamentarnu proceduru.

Prijedlog Zakona razmatrala su nadležna radna tijela.

Amandmane na Prijedlog zakona o izmjenama i dopunama Zakona o budžetima u Federaciji Bosne i Hercegovine podnijeli su: Tomislav Martinović (jedan amandman), Predrag Kojović i Aner Žuljević (jedan amandman). Dom narod izjasnio se o amandmanima i na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine nije usvojio Amandman Tomislava Martinovića budući da je za glasalo 23 delegata, šest delegata je bilo uzdržano i 16 protiv.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine nije usvojio Amandman koji su podnijeli Predrag Kojović i Aner Žuljević. Za su bila 24 delegata, devet delegata bilo je uzdržano i 11 protiv.

U raspravi su učestvovali: Tomislav Martinović, Osman Ćatić i Nasir Beganović.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 28 glasova za, uz pet uzdržanih glasa i sa 11 glasova protiv, usvojio Prijedlog Zakona o izmjenama i dopunama Zakona o budžetima u Federacije Bosne i Hercegovine za 2016. godinu.

Tomislav Martinović izrazio je sumnju u rezultate glasanja pa je sekretar Doma naroda izvršio poimenično izjašnjavanje delegata.

Na osnovu poimeničnog rezultata izjašnjavanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 31 glasom za, uz tri uzdržana glasa i sa 12 glasova protiv, usvojio Prijedlog Zakona o izmjenama i dopunama Zakona o budžetima u Federacije Bosne i Hercegovine za 2016. godinu.

5. Prijedlog zakona o faktoringu

Prijedlog Zakona o faktoringu utvrdila je Vlada Federacije.

Prijedlog zakona obrazložila je federalna ministrica finansija Jelka Miličević.

Prijedlog Zakona razmatrala su nadležna radna tijela.

U raspravi su učestvovali: Željko Mirković i Jukić Damir.

Na osnovu rezultata glasanja predsjedavajuća je konstatovala da je Dom naroda Parlamenta Federacije Bosne i Hercegovine, sa 38 glasova za, uz tri uzdržana glasa i sa jedan glasom protiv, usvojio Zakon o faktoringu sa slijedećim primjedbama Komisije za jezička pitanja Doma naroda koje je Vlada Federacije prihvatila na sjednici Doma naroda:

- u članu 2. u stavu (11) Prijedloga zakona na srpskom jeziku umjesto riječi „ dužnik “ treba stajati riječ „povjerilac“;
- u članu 2. u st. (3) i (13) Prijedloga zakona na bosanskom i srpskom jeziku umjesto riječi: „odnose dužnik - povjerilac“ trebaju stajati riječi: „dužničko-povjerilačke odnose“;
- U članu 2. između st. (18) i (19) brisati riječ „ili“;
- U članu 18. Prijedloga zakona na sva tri jezika riječi: „Prodavatelj dostavlja faktoru uz zahtjev za faktoring uslugu dokumentaciju iz člana 5. stav (3) ovoga zakona.“ zamijeniti riječima: „Uz zahtjev za faktoring uslugu prodavatelj dostavlja faktoru i dokumentaciju iz člana 5. stav (3) ovoga zakona.“ U skladu sa standardima svakog od ovih jezika;

- U članu 32. u stavu (2) u tački a) i u članu 39. u stavu (4) u tački 9) na hrvatskom jeziku, umjesto riječi: „računa dobiti i gubitka“ trebaju stajati riječi: „bilanca uspjeha“.

6. Prijedlog odluke o davanju saglasnosti na Finansijski plan Federalnog zavoda za zapošljavanje za 2016. godinu i procjene Plana za 2017. i 2018. godinu i na Odluku o izvršavanju Finansijskog plana Federalnog zavoda za zapošljavanje za 2016. godinu,

Prijedlog Odluke dostavila je Vlada Federacije.

Prijedlog Odluke razmatrala su nadležna radna tijela.

U raspravi je učestvovao Admir Hadžipašić.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 36 glasova za, uz četiri uzdržana glasa i sa jednim glasom protiv, donio Odluku o davanju saglasnosti na Finansijski plan Federalnog zavoda za zapošljavanje za 2016. godinu i procjene Plana za 2017. i 2018. godinu.

Na osnovu rezultata glasanja predsjedavajuća je konstatovala da je Dom naroda Parlamenta Federacije Bosne i Hercegovine, sa 36 glasova za, uz četiri uzdržana glasa i sa jednim glasom protiv, donio Odluku o davanju saglasnosti na Odluku o izvršavanju Finansijskog plana Federalnog zavoda za zapošljavanje za 2016. godinu.

7. Prijedlog odluke o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2016. godinu konsolidovani), Finansijski plan Fonda solidarnosti Federacije Bosne i Hercegovine za 2016. godinu (Anex I), Finansijski plan Stručne Službe Zavoda zdravstvenog osiguranja i reosiguranja Federacije Bosne i Hercegovine za 2016. godinu (Anex II) i Odluke o načinu izvršavanja Finansijskog plana Zavoda zdravstvenog osiguranja i reosiguranja Federacije BiH za 2016.godinu,

Prijedlog Odluke dostavila je Vlada Federacije.

U raspravi su učestvovali: Predrag Kojić, Admir Hadžipašić i Emir Frašto.

Na osnovu rezultata glasanja predsjedavajuća je konstatovala da je Dom naroda Parlamenta Federacije Bosne i Hercegovine, sa 35 glasova za, uz sedam uzdržanih glasova i sa dva glasa protiv, donio Odluku o davanju saglasnosti na Finansijski plan Zavoda zdravstvenog osiguranja i

reosiguranja Federacije Bosne i Hercegovine za 2016. godinu (konsolidovani).

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 34 glasa za, uz osam uzdržanih glasova, donio Odluku o davanju saglasnosti na Finansijski plan Fonda solidarnosti Federacije Bosne i Hercegovine za 2016. godinu (Anex I).

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 38 glasova za, uz tri uzdržana glasa, donio Odluku o davanju saglasnosti na Finansijski plan Stručne Službe Zavoda zdravstvenog osiguranja i reosiguranja Federacije Bosne i Hercegovine za 2016. godinu (Anex II).

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 38 glasova za, uz četiri uzdržana glasa, donio Odluku o davanju saglasnosti na Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2016. godinu.

8. Prijedlog odluke o davanju saglasnosti na Finansijski plan Federalnog Zavoda za penzijsko i invalidsko osiguranje za 2016. godinu, Odluka o izvršavanju Finansijskog plana Federalnog zavoda za penzijsko i invalidsko osiguranje za 2016.godinu,

Prijedlog Odluke dostavila je Vlada Federacije.

Prijedlog Odluke razmatrala su nadležna radna tijela.

U raspravi niko nije učestvovao.

Na osnovu rezultata glasanja predsjedavajuća je konstatovala da je Dom naroda Parlamenta Federacije Bosne i Hercegovine, sa 40 glasova za, uz tri uzdržana glasa, donio Odluku o davanju saglasnosti na Finansijski plan Federalnog Zavoda za penzijsko i invalidsko osiguranje za 2016. godinu.

Na osnovu rezultata glasanja predsjedavajuća je konstatovala da je Dom naroda Parlamenta Federacije Bosne i Hercegovine, sa 38 glasova za, uz tri uzdržana glasa i jednim glasom protiv, donio Odluku o davanju saglasnosti na Odluku o izvršavanju Finansijskog plana Federalnog Zavoda za penzijsko i invalidsko osiguranje za 2016. godinu.

9. Izvještaj o radu FERK-a za 2014. godinu.

Predstavnički dom Parlamenta Federacije Bosne i Hercegovine obavijestio je Dom naroda da je u nastavku 3. sjednice održane 28. oktobra 2015. godine usvojio Izvještaj o radu FERK-a za 2014. godinu.

Izvještaj su razmatrala nadležna radna tijela.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 40 glasova za, uz dva uzdržana glasa, usvojio Izvještaj o radu FERK-a za 2014. godinu.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 40 glasova za, uz dva uzdržana glasa i tri glasa protiv, donio Odluku o odobravanju zahtjeva Regulatorne komisije za energiju u Federaciji Bosne i Hercegovine za izgradnju poslovnog prostora u Mostaru.

Sjednica je završena u 19:47.

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVALA

Lidija Bradara